




Poex: 1246





2530


1869. 11. 387











31

Beatæ Memoriae
VIRI MAGNI ET MAGNIFICI
DN. FRID: ZAMELII
Reipubl. Elbing. Cos. &c.

Flete nefas vestrum ZAMELI flete Penates,
Vestra columna ruit: Vester amor perit.
Virgilius moriens arcanum credidit artis
ZAMELIO: huic famâ par fit; & occubuit.
Fussit Apollo suæ Mysteria doctius artis
Promere: ZAMELIUS prodit & occubuit.
Sistite sed lacrimas: Nam qui benè transigit ævum,
Non moritur. Vitam, qui benè transit, habet.
Dignum laude Virum morier quia Musa vetabat,
Hinc sua post vivet funera ZAMELIUS.

AD VIATOREM.

GRadum siste precor, revolve mente,
Politum, nitidum Virum ZAMELUM,
Clarum Philosophum eruditione.
Doctum Philologum, integrum, probatum
Cinctum tempora Phœbi utrâq; lauru,
Insignem, celebrem, optimum Poëtam,
Aeq; Diis superis amatum & imis,
Aeq; Principibus Viris amatum &
Plebi, nec minus exteris amatum.
Quam suis, Patriæ decusq; gentis.

Vivit,

Vivit, non obiit. Abi Viator
Cubent molliter ossa, comprecare.

Pet. Stegm: M. S.

Flebilibus vetuit quondam se flere querelis
Ennius, & tristes ingeminare modos.
Non credebat enim, lachrymas sua posse mereri
Funera, qui volitet docta per ora Virum.
Te quoq; *Magne Senex, Phœbi Sophiæq;*, ZAMELI,
Delicium, patrii lumen amorq; soli,
Velle supervacuis, hoc auræ lumine cassum,
Plangere lamentis, fas minus esse reor,
Corpus abit, morbis fractum senioq; ; fatemur:
Iure suo grassans Atropos usa fuit:
Os filet, eloquii nuper gratissima sedes:
Divitis ingenii Dextra ministra, riget:
Ivimus exequias: quicquid mortale tenebas,
Sarcophagus parvo jam capit omne sinu:
Sed meliore tamen post funera parte superstes,
Aurea laurigerum fers super astra caput.
Per mare, per terras, quæ se Virtutis & Artis
Pandit iter, latè didita fama volat,
Pectoris illa tui Monumenta perennia, prisco
Pyramidum longè nobiliora situ,


Ver-


Verfantur cupidè doctis, laudantur, amantur:
Nil his tempus edax, nil Libitina nocet.
Vos ô tam celebri Soboles prognata Parente,
Cum dulci fratrum, Tu Gotofrede, Pari,
Tendite, qua Genitor præit: & vestigia quondam
Discite non segni calce paterna sequi.
At tu, quam tanti Virtus illustrat Alumni,
Elbinga, ô Prussi gemma venusta soli,
Sis memor, & quamvis nostræ nil laudis egenti,
In Tumulo sculpi talia fortè jube:
Hic sacri Cineres servantur & Ossa ZAMELI,
Quo felix nuper Consule mater eram.
Ut Verona minor me sit, ne Mantua major
Audiat, hoc Civi debeo grata meo.


*Fautoris sui, dum vivebat, propensissimi,
Exiguum summi honoris & amoris Monumentum P.*


Joh. Petr. Titius.



















Biblioteka Jagiellońska

stdr0019523

